

B O S N A I H E R C E G O V I N A
FEDERACIJA BOSNE I HERCEGOVINE
U N S K O - S A N S K I K A N T O N

JEDINSTVENI OPĆINSKI ORGAN UPRAVE
OPĆINE BOSANSKA KRUPA

Broj: 07-11-5-4520/20
Bosanska Krupa, 18.8.2020.godine

Na osnovu člana 70. stav 1. Zakona o javnim nabavkama („Službeni glasnik BiH“, broj: 39/14), u konkurentskom postupku nabavke radova – nepredviđene i hitne intervencije na putevima, općina Bosanska Krupa, na prijedlog Komisije za provođenje postupka javne nabavke, Općinski načelnik, kao rukovodilac organa uprave **donosi:**

ODLUKA
o izboru najpovoljnijeg ponuđača

1. Prihvata se ponuda ponuđača **d.o.o. „I-KOMIĆ“ Bosanska Otoka**, za nabavku radova - nepredviđene i hitne intervencije na putevima, općina Bosanska Krupa, sa cijenom u ukupnom iznosu od **5.583,24 KM** sa uračunatim PDV-om.
2. Izabrani ponuđač se obavezuje da **u roku ne dužem od 5 (pet) dana od dana zaprimanja ove Odluke** dostavi originale ili ovjerene kopije dokaza o ispunjavanju uslova u skladu sa datom izjavom iz člana 45. stav (1) tačka a), c) i d) Zakona o javnim nabavkama, ukoliko iste nije dostavio u sastavu ponude.
3. Po konačnosti ove odluke sa izabranim ponuđačem potpisat će se ugovor o nabavci radova – nepredviđene i hitne intervencije na putevima, općina Bosanska Krupa

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 07-11-5-4520/20 od 17.7.2020. godine. Javna nabavka je provedena putem konkurentskog postupka – nabavke radova – nepredviđene i hitne intervencije na putevima, općina Bosanska Krupa, uz primjenu e-aukcije. Obavještenje o nabavci broj: 1272-7-3-106-3-71/20 i tenderska dokumentacija je objavljena na portalu javnih nabavki dana 17.7.2020 godine. Po objavljenom obavještenju rok za prijem ponuda je bio 24.7.2020. godine do 14,00 sati. Do označenog roka za prijem ponuda na protokol Ugovornog organa je pristiglo ukupno dvije ponude, a što je vidljivo iz tabelarnog pregleda dostavljenog od strane službenika koji radi na protokolu ugovornog organa i to:

1. Doo „I-KOMIĆ“ Bosanska Otoka, broj protokola: 07-11-5-4520-2/20, 24.07.2020 godine u 08:00 h
2. Doo „EURO COP INVEST“ Bosanska Krupa, broj protokola: 07-11-5-4520-3/20, 24.07.2020 godine u 10:00 h

Komisija za provođenje postupka javne nabavke je u skladu sa tenderskom dokumentacijom dana 24.7.2020. godine u 14,15 sati izvršila javno otvaranje ponuda i konstatovala:

1. Ponuđač Doo „I-KOMIĆ“ Bosanska Otoka ponudio:

Cijena ponude 9.346,40 KM bez PDV, popusta nema, ukupna cijena: 10.935,29 KM sa PDV-om.

2. Ponuđač Doo „EURO COP INVEST“ Bosanska Krupa, ponudio:

Cijena ponude 8.146,00 KM bez PDV, popusta nema, ukupna cijena: 9.530,00 KM sa PDV-om.

Komisija je konstatovala da su ponude ponuđača **Doo „I-KOMIC“ Bosanska Otoka** i **Doo „EURO COP INVEST“ Bosanska Krupa** **potpune, ispravne u formalno-pravnom smislu** (ponuđači su dostavili ponudu u skladu sa tenderskom dokumentacijom, ispunili uslove za učešće, dostavili potrebne dokaze (obrasci za ponudu i za cijenu ponude, dokaz o registraciji, izjave iz člana 45. i 52 ZJN) i ponudu izradili u skladu sa TD), kao i da računskih grešaka nije bilo, te je Komisija predložila Ugovornom organu da zakaže e-aukciju s kvalifikovanim ponuđačima.

Provođenje e-aukcije je zakazano za dan 3.8.2020. godine u 11:00 h, u trajanju od 10 minuta. Na osnovu izvještaja o toku i završetku e-aukcije utvrđeno je da je ista trajala od 11:00 do 11:36 h.

Nakon uspješno okončane e-aukcije Komisija za provođenje postupka javne nabavke je ponovo zasjedala dana 3.8.2020. godine u 12:00 h i razmatrala Izvještaj o toku i završetku e-aukcije, te na zapisnik konstatovala da je konačna rang lista ponuđača koji su učestvovali u E-aukciji je slijedeća:

1. **„I-Komic“ d.o.o. Bosanska Otoka** konačna cijena ponude iznosi **4.772,00 KM bez PDV-a**, ukupna cijena ponude: **5.583,24 KM sa PDV-om** (početna cijena umanjena za 48,94 %)-cijena na koju se primjenjuje preferencijalni tretman.
2. **„EURO COP INVEST“ d.o.o. Bos.Krupa**, konačna cijena ponude iznosi: **4.781,00 KM bez PDV-a**, ukupna cijena ponude: **5.593,77 KM sa PDV-om**, (početna cijena umanjena za 41,31 %) -cijena na koju se primjenjuje preferencijalni tretman.

Komisija konstatuje da procjenjena vrijednost RADOVA-nepredviđene i hitne intervencije na putevima, Općina Bosanska Krupa **iznosi 8.195,80 KM bez PDV-a, odnosno 9.589,09 KM sa PDV-om.**

Nakon uspješno završene e-aukcije sa kvalifikovanim ponuđačima, a s obzirom da je kriterij za dodjelu Ugovora „najniža cijena tehnički zadovoljavajuće ponude“, da je cijena prvorangirane ponude u okviru procjenjene vrijednosti predmetne nabavke, Komisija za provođenje postupka javne nabavke je predložila Ugovornom organu da donese Odluku o izboru najpovoljnijeg ponuđača, i to prvorangiranog **„I-Komic“ d.o.o. Bosanska Otoka i zaključi Ugovor.**

Shodno prednjem Ugovorni organ je donio odluku kao u dispozitivu.

Pouka o pravnom lijeku

Protiv ove odluke može se izjaviti žalba najkasnije u roku od 5 (pet) dana od dana prijema ove odluke. Žalba se izjavljuje Ugovornom organu u pisanoj formi direktno ili putem pošte u dovoljnom broju primjeraka, a koji ne može biti manje od tri.

Obrađivač:

Ranela Keranović, bachelor prava

OPĆINSKI NAČELNIK
Armin Halitović

Dostavljeno:

1. Ponuđači od 1-2,
2. U spis,
3. a/a.